

MDKL bersih 35 tan sampah haram

Beberapa jabatan daerah turut bekerjasama kerah tenaga libat dua lokasi

BANTING - Kesedaran awam serta sikap sesetengah masyarakat terhadap cara melupuskan sampah dengan betul merupakan faktor utama menyumbang kepada pertambahan lokasi hotspot sampah haram di daerah ini.

Bagi mengekang masalah ini daripada berlarutan, MDKL telah mengerah tenaga dalam satu operasi bersepadu bersama Pejabat Daerah dan Tanah, Jabatan Kerja Raya (JKR) dan Jabatan Pengairan dan Saliran (JPS) daerah Kuala Langat.

Operasi itu melibatkan 53 pegawai, kakitangan MDKL serta pihak pengurusan tertinggi yang terlibat secara langsung dalam operasi pembersihan 35 tan sampah haram di dua lokasi sampah haram di Jalan Sentosa, Pekan Banting dan Jalan Sungai Ingat, Kampung

Chodoi, di sini, kelmarin.

Setiausaha MDKL, Mohd Yasin Alwi berkata, isu sampah haram merupakan antara masalah yang menjadi fokus utama ke arah usaha sifar sampah haram.

Menurutnya, perbuatan tidak bertanggungjawab membuang sampah di bahu jalan serta di tempat tidak sepatutnya oleh sebilangan masyarakat ini telah menyebabkan pencemaran bau serta pemandangan di lokasi tumpuan awam serta dikhuatiri menyumbang kepada kawasan pembiakan aedes

"Tindakan membuang sampah secara haram amat dikesali dan pihak majlis akan meneruskan usaha yang telah digerakkan dalam menangani kegiatan yang tidak sihat ini.

"Kesalahan tersebut boleh dikenakan tindakan notis kesalahan yang boleh dikompaun

dengan nilai maksimum sebanyak RM1,000," katanya.

Mohd Yasin berkata, untuk rekod, sebanyak 62 operasi statik serta pemantauan telah dijalankan anggota penguat kuasa dan sebanyak 23 notis kesalahan telah dikeluarkan kepada pesalah.

Katanya, pelbagai usaha serta kempen dijalankan bagi meningkatkan kesedaran awam terhadap kesalahan membuang sampah secara haram ini tidak akan tercapai tanpa kerjasama warga masyarakat.

"Ada segelintir orang awam yang menganggap lokasi yang dibersihkan adalah tempat mereka melupuskan sampah.

"Ini salah, pihak Majlis memandang serius perkara ini dan akan meneruskan pemantauan bagi mengenal pasti individu-individu tidak ber-



Kerja-kerja membersihkan sampah giat dijalankan MDKL dan jabatan daerah lain.

tanggungjawab melakukan pencemaran sampah haram ini dan dikenakan tindakan," katanya.

Dalam pada itu, beliau berkata, MDKL berterima kasih atas sokongan serta kerjasama

tidak berbelah bahagi jabatan daerah yang telah memberikan bantuan dari segi tenaga dan keperluan logistik bagi menjayakan setiap operasi bersepadu.

"Antara jentera yang di-

gunakan termasuklah jentolak, lori muatan 10 tan milik JKR dan JPS selain penggunaan tiga lori ro-ro muatan lima tan milik MDKL bagi kerja-kerja membersihkan dan mengangkut sampah haram," katanya.

KRT Taman Iris anjur sukan muzikal



Sebahagian penduduk yang turut serta dalam Sukaneka Perpaduan KRT Taman Iris, Bandar Saujana Putra semalam.

BANDAR SAUJANA PUTRA - Kawasan Rukun Tetangga (KRT) Taman Iris Bandar Saujana Putra pameran kelainan apabila mengadakan pelbagai perlawanan sukan berpanduan muzik sempena Program Sukaneka Perpaduan KRT Taman Iris semalam.

Pengerusinya, Jamaludin Mat berkata, pelbagai program disusun termasuk perlawanan bola sepak, bola jaring jalanan, basikal lambat dan mewarna disertai oleh pelbagai peringkat umur dan bangsa.

Menurutnya, pihaknya mengambil keputusan untuk tidak menggunakan khidmat pengadil selain konsep setiap perlawanan berserta muzik.

"Kita peruntuk masa tiga minit untuk semua permainan yang dimulakan serentak mengikut tema lagu yang dimainkan.

"Ternyata program santai tetapi meriah itu

mendapat sambutan yang menggalakkan kerana ia jarang dilakukan oleh mana-mana kawasan," katanya kepada *Sinar Harian* semalam.

Jamaludin berkata, program berbasikal lambat pula mendapat sambutan bila mana memberi pendedahan dan kesedaran kepada peserta supaya berhemah dan sentiasa bersabar dalam setiap pemanduan kenderaan.

Katanya, program berkenaan diadakan bertujuan untuk mendidik penduduk menghargai kepentingan masa dalam aktiviti harian disamping mengerat silaturahim antara jiran tetangga.

"Saya tak nafikan masyarakat kini sibuk keluar bekerja, kadang-kadang ada yang tak kenal dengan jiran sendiri.

"Saya juga rancang adakan program seperti ini tapi dengan input berbeza pada masa akan datang," katanya.